



韓魏公集卷之二

宋韓琦雅志著

明康丕揚士遇校

詩

瓊花

維揚一株花四海無同類
年年后土祠獨比瓊瑤
貴中含散水芳外團蝴蝶
戲醪醑不見香芍藥慚
多媚扶踈翠蓋圓散亂
真珠綴不從眾格繁自守
幽姿粹嘗聞好事家欲移
京轂地既遠孤潔情終

誤栽培意洛陽紅牡丹適時名轉異新榮託舊枝
萬狀呈妖麗天工借顏色深淡隨人智三春愛賞
時車馬喧如市草木稟賦殊得失豈輕議我來首
見花對花聊自醉

夜合

俗人之愛花重色不重香吾今得真賞似矯時之
常所愛夜合香清芬踰衆芳葉葉自相對開歛隨
陰陽不慚歷草滋獨擅堯堦祥得此合歡名憂忿
誠可忘茸茸紅白姿百和從風颺沉水燎庭檻薰

陸紛纓裳彌月固未歇况茲夏景長凡目不我貴
馥烈徒自將仲尼失滅明史遷疑子房以貌不以
行舉世同悲傷予欲先馨德群艷孰可方直饒妖
牡丹須讓花中王

蜂蠱

事小不可忽義或戒蜂蠱蜂蠱之中人始意脫已
害人兮怒一蟲爲報速睚眦白晝擿危巢夜燭窮
纖介必獲而後已立死已爲快彼誠蓄微毒謂已
有所賴失於小不忍而自取麤壞吁嗟陰巧徒毒

韓魏公集 卷之三
二
邁蜂蠆大包潛中善良斷腕未足駭小或一身危
甚則家族逮淵微如鬼神無隙可漏敗君子被戕
賊守道不爲怪有時醜迹露事或無可柰一旦吾
道行乃置之度外使其自愧縮似不容覆載非力
不足較顧有盛德在陰巧旣常幸蜂蠆胡不貸

啄木

剝剝復卜卜意若念良木營營求蠹心未獲空我
腹或露一穠紅或展雙翅綠捷綠都盧撞響弄羯
鼓曲搜索不知疲利觜信摧禿忽爾破姦穴種類

無遺族內孽固難辨一發知潛伏彼實害珍材盡
殄此非酷直疑天意深不使嗜梁肉專爲衆蠹仇
待飫弗與足如令知庶味恣擇蟲與粟杞梓任陰
賊長啄罷攻觸飽食作群飛時下泉沼浴歸鳴涼
樹陰暮趁高枝宿

來鳳

來鳳趨社期翩若天外至徘徊大廈間汲汲營巢
意中心有所託自謂得其地銜泥兩吻瘡旦暮不
少憇主人愛高堂病爾如疣贅爾巢屢膚寸長挺

輒摧墜胡爲不識嫌又續前功棄何處無蓬茅自
足爲生計不爾卵而覆其禍愈非細予旣傷爾愚
竊復探爾志孜孜不忍去欲動主人義萬一憐其
勤庶獲息我類巨棟旣不撓出處安且貴其能無
報乎唯守信無貳年年應候來馴狎如兒稚雙雙
軒戶前爲君作嘉致不學君家客去就惟勢利微
羽一知歸至死不他請

感花

彫堂瞰寶欄有花病不妍誰知窮山顛牡丹一尺

圓寶欄鋤漑足窮山風日煎彼此不得地天道胡
爲然兩適豈易得茲恨無窮年

落葉

人觀落葉悲我視落葉喜請看四序速次第若屈
指風霜一瞬過望春時有幾榮固悴之端衰亦盛
之始湏知衆木踈便是群芳啓舉此較人事蓋不
異物理否泰與消長反復殊未已釀酒整笙歌坐
待新萌起

讀劉易春秋新解

夫子春秋之所記二百四十有二年謹嚴之法不可犯欲示萬世天子權禮樂征伐必上出諸侯雖大莫得專周平東遷魯君隱王綱壞裂勿復聯天王所存位與號列國自用公承傳齊桓晉文無實義挾周狗已掩大愆不歸聖筆立中制誰其當罪誰其賢紛紛五傳角同異各專門戶執所偏遂令學者蹈迷徑不探元本遭羈牽至于歆向父子間亦反天性相鏡鑄何休杜預范甯輩離經附傳以臆箋膏肓廢疾互譏病雖欲針起難自痊前人文

字安可數議難啾啾秋嘒蟬有唐名儒陸淳者始開奧壤窺源泉我朝又得孫明復大明聖意䟽重淵劉生新鮮最後出了無塞礙成通川所趨旨義極簡正撐拄異論牢且堅事不歸王皆不與達經之志所以然詩三百可一言蔽曰思無邪而已焉方今四海大一統萬里號令猶君前安不思危易其治毋容僭亂生階緣往持此說助邦政坐令當辰尊如天

荅孫植太博後園宴射

草薺公集 卷之二 十一
花稍點紅牙綠苗宴亭爽塏珊雲列呼賓習射次
序升體裁人人矜勇控六鈞力副百中藝由基注
目老羿拽支左屈右何太工象弭急收如列缺須
史一鏑入鵠心畫鼓連轟盡聲竭後者審固意愈
精有時大呼 劈箭苦惜哉最是毫釐差彩侯似
動筈微撇分明角勝各記暈將終或爲一箭奪當
筵主籌令難犯大白時舉出正罰此禮自古尤所
重矍圃去留宜有別五善大抵主和容不止穿揚
與穿札因憶當年黠羌叛非才誤授將軍鉞帳下

貌貅十萬師力過生犀心似鉄大仁未許覆兇巢
飭謹封垂禦侵越悍夫猛士志待騁貯填憤氣何
由洩正值高秋天氣寒塞場霜重嚴風刮約束偏
裨整隊兵旌旗爍電戈矛雪驅出長郊閱竒陣離
合應麾皆有節次引精銳較絕技控弦命中無虛
發氣豪馬健走危坡直下千尋未嘗蹙收軍校獵
圍平原犬順人呼鷹解絀山麋衝軼犯勁矢崗兔
奔跳迷狡穴大鵬盤空不輕搏老狐仰視肝膽裂
駐鞍賞獲犒部曲浪瀉酒車輪染血將軍未酣衆

南魏公集 卷之二 七
心醉耳後風生鼻頭熱此日淮藩奉寬詔朱輪慢
輾行春轍鈴索聲沉訟牒稀優游大司養踈拙斜
蒿青青鱗鱠新公醪香重酷才揆射堂對客旦相
娛不妨樂事陶嘉月襟懷聊與水雲閑夢魂猶寄
關山濶逢辰未立赫然勲破的求功真瑣屑欲得
心如外貌歡報國之誠盡摠豁

廣陵大雪

淮南常歲冬猶燠今年陰沴何嚴酷黑雲漫天一
月昏大雪飛揚平壓屋風力軒號助其勢擺撼琳

琅摧凍木通宵徹晝不暫停堆積樓臺滿溪谷有
時造出可憐態柳絮梨花亂紛撲乘溫變化雨聲
來度日階庭恣淋漓幾縈寒霰不成絲驟集踈簷
還掛瀑蟄蛙得意欲跳擲幽鷺無情成挫辱鱗魚
江叟冰透蓑賣炭野翁泥沒輻閭閻細民誠可哀
三市不喧游手束牛衣破解突無煙餓犬聲微饑
子哭我聞上天主時澤亦有常數滋農穀膏潤均
於一歲中是謂年豐調玉燭此來盛冬過爾多却
慮麥秋欠霑足太守憂民仰天祝願噓氛霾看晴

旭望晴不晴無柰何擁被醉眠頭更縮

荅袁陟節推游禪智寺

春去惜餘景偶來郊外觀蕪城千古恨一顧殊悲
酸荒祠枕大道尚記吳城邗遠近綠陰合水觀紅
英殘隴麥齊若翦隨風捲波瀾罷農喜有望守臣
心粗寬蕭疎禪智寺壞址不甚完叢花亂芍藥籬
竹摧琅玕空有亭亭栢成行如筆端供帳具朝膳
僚案成清歡小杜詩板暗樂事曾未刊乘興詣茶
圃百步登平巒摘焙試烹啜甘挹零露溥午過倦

微暑堤路騰歸鞍天子憂歲旱引咎古所難列郡
承新詔朝夕弗敢安况此行春意問不在遊盤朝
廷責吏治莫若久其官政和氣亦應災沴無由干
願循三載舊庶幾酬素餐

和袁陟節推龍興寺芍藥

廣陵芍藥真奇美名與洛花相上下洛花年來品
格卑所在隨人趨高價接頭着處騁新妍輕去本
根無顧藉不論姚花與魏花只供俗目陪妖姹廣
陵之花性絕高得地不移歸造化大豪大力或強

遷費盡擁 培無艷冶東君固是花之主千苞萬
萼從榮謝似矯東君沉愛心枉殺春風不肯嫁遂
令天下走香名髣髴丹青競誇詫以此楊花較洛
花自合楊花推定霸其間絕色可粗陳天工着意
誠堪訝仙家冠子鏤紅雲金線粧治平無匹亞旋
心體弱不勝枝寶髻欹斜猶墮馬冰雪肌膚一纈
斑新試守宮明似赭雙頭兩兩最多情象物更呈
鞍面窠樓子亭亭欠姿媚特有怪狀堪圖寫見者
方知畫不真未見直疑傳者詐前賢大欲巧賦詠

片言未出心先怕天上人間少其比不似餘芳資
假借我來淮海涉三春三訪龍興舊僧舍問得龍
興好事僧每歲看承不敢暇後園栽植雖甚蕃及
見花成由取捨出群標致必驚人方徙矮壇臨大
厦客來只見軒檻前國艷天姿相照射因知靈種
本自然湏憑精識能陶冶君子果有育材心請視
維揚種花者

雷聲歲早晚雨

慶曆丙戌夏旱氣蒸如焚行路盡嬰暍居人猶中

草堂公集 卷之一
九
瘟墮鳥不收啄游魚幾爛鱗絺綌亦難御更值成
雷蚊驕陽斷雨脉焦熬逾五旬農媵坐耗裂縱橫
龜灼文衆目血坼皆日睇西郊雲守臣卹民病心
亂千絲焚祈龍割舒雁縱陰開北門古法久弗驗
群祠益致勤徧走于境內神兮若不聞或時得沾
灑濛濛才濕塵豐年望旣絕節候俄秋分忽爾降
大澍霄冥連日昏垂空狀戰戟入雷疑傾盆禾田
十九死強漬枯槁根蕭稂賤易活勢茂如逢春蛙
黽渴易滿泥躍嬉成群濟物乃容易應時何艱辛

轍鮒骨已壞徐激西江津谷黍霜已厚始調鄒律
溫天氣孰可問對之空氣吞

喜雪答趙宗道學士

去年大雪如山積今年大旱千里赤凍民虛死麥
實少稻子空乾無一獲陰陽之沴已過差物理固
知當反極入冬和氣漸融怡霈澤時時蘇土脉廣
莫朝來一陣寒變作雪花紛亂析瓊樹瑤臺豁眼
明直疑快到神仙宅城中喜色與歡聲併在高樓
歌舞席老農視之咲復啼大言累歲遭凶厄纔下

種時雨雪多禾稼欲成無一滴此回須有豐登兆
未信天公真愛惜太守聞之亦慘顏造化誠哉非
易測但願天意悔前禍豈使吾民常感感

閱古堂

仲尼大聖人文武亦云學况其下者乎而不事礪
琢伊予之逢辰進本任愚樸今辱寄中山地重扼
幽朔日懼不克堪誤上所揀擢古之良守帥功業
甚竒卓思以救空踈志慕極堅確後圃新吾堂左
右謹圖摸公餘時縱觀大可傲齷齷奔雷發聾聵

皎日破昏濁苟能奉規矩曷愧大匠斲或此賢賓
僚指顧便揚擢四座企清風耳目外優樂予好虛
名哉事實出誠慤庶幾得消塵聊以助海嶽唯有
大忠心不在先覺覺

衆春園

中山雄北邊地得要害扼烽警昔未徹民日困兵
革一從無事來歷祀且半百戈矛旣錢鏹比屋遂
仁宅人生亦自勞營業鮮暇隙誠哉百日勤固願
一日適爲政本人情三代所不易漢吏稱循良在

宣布恩澤茲吾治廢園大揭衆春額庶乎時節遊
使見太平迹園中何所有風物雅且籍方塘百畝
餘遙派逗寒碧虛亭跨彩橋孤嶼聳幽石環堤柳
萬株無時張翠巒移得江南天不覺萬里隔芳林
灼灼花次第錦繡坼三春爛熳時爲民開宴席觀
者如堵牆士女雜城陌野態得天真靚粧非俗格
惟意任所如去來何絡繹多歡知有今勝致駭非
昔如登老氏臺懷抱罔不釋旣以休吾民又足奉
嘉客清暑暨涼秋池景尤可惜紅蕖四照香風送

入締綌乘輿命輕舟縱賞緩撐刺芳餌湏鱸資綠
房欣手摘就飲圓荷中一當數大白時見群鷗飛
驚比紅袖拍獻酬如未快申令喜相搦或見大敵
怯便可遺巾幘酣戰方氣振平俄景忽晡夕人笑
山公歸酪酏倒巾幘誰知酪酏心自有制勝策

覽資政富公新詩

賢輔于朝廷中外唯所用中則翊萬樞天業日以
重外則泰一方君治亦云共公今得淮康大厦輟
隆棟惠政聊一施萬室絕愁痛獄訟不復煩甘脆

誠足奉優游爲文章六義本規諷長篇燦巨軸郵
驛邈見送發函捧瓊瑰再拜喜吟誦高調旣古雅
竒格復豪縱鈞天張廣樂累夕駭俗慶死馬歷夷
途萬里不可控李杜若復生屈伏事非諷况夫淺
淺流固莫測源洞何時袞衣歸瞻望慰民衆事業
追夔龍風烈陋姚宋曰賡元首歌聞助薰琴弄太
平告成功郊廟形嘉頌九奏人神和舞獸而儀鳳
休聞狼跋詩萬世發長慟

謝資政富公再以近詩見寄

惟公之所存致后協二典當入相天子賢業遂大
展萬類隨坏陶四時無齧舛如何守一藩疾甚斥
和扁遂令康濟功鬱抑未恢顯寄懷吟咏間唯以
道自遣公才如河源渾渾日東演洪濤奔巨海萬
里縱傾卷小哉西北流孰可議深淺公思如天匠
春物歸裁剗珍叢與竒葩萬態極婉孌一一得天
真倣象困彫剪河源無時窮天匠非出辨胡爲每
成編遂以貶罷輒裸壤本無知安足道文冕俚耳
固不通烏用奏姑洗我實知公心愛我久益腴誘

卓彞公集 卷之一 十三
我進學勤要在納諸善我素荷公德公教敢不踐
諷誦復宗師夙夜以自勉

苦熱

皇祐辛卯夏六月朔伏暑始伏之七日大熱極炎
苦赫日燒扶桑焰焰指亭午陽烏自焦鑠垂翅不
西舉炙翻四海波天地入烹煮蛟龍竄潭穴汗喘
不敢雨雷神抱桴逃不顧車裂鼓豈無堂室深氣
鬱如炊釜豈無臺榭高風毒如遭蠱直疑萬類繁
盡欲變修脯嘗聞崑閬間別有神仙宇雷散滌煩

襟玉漿清濁腑吾欲飛而往於義不獨處安得世
上人同日生毛羽

後園寒步

如何天地舉寒令獨將殺氣凌邊遐公園跬步亦
難往試來舉目成吁嗟長空黯淡作愁色日光似
透雲還遮朔風刮面不吹雪徒擾萬竅掀黃沙園
中索寞不可狀唯視衆木攢枯槎如有漢將肅行
陣遠涉大漠平番家貔貅凍列樹營壁巨矛長戟
何交加老松一二柯葉在外皮皴裂埋殭蛇幽禽

聲好久絕聽孤城遠近號飢鷓齋中酒熟恐自酌
幾何貧戶無織麻冥官持權用意惡直欲萬類殲
陰邪窮巖極裂勢未已不知泉底生陽牙

臘日出獵近郊

悲風吼林霜草白殺氣稜稜慘空碧因畋講事此
其時況值嘉平農已隙暫整和門出近郊獵獵旌
旗原燒赤狩場一望天四垂貔虎意豪猶恨窄鼓
動圍開翼復箕人知部分如刀割飛走竄伏不得
暇狡兔幸生徒奮擲饑鷹眼捷翅頭健下韉風發

無虛搦鵠拳交擊或未什繼嗾韓盧追以咋忽穿
叢薄失所捕耻焉便縱摩霄翮不似寒鷗得腐鼠
傲然直視鵠雛嚇烏鶉鵲雉曷足數亦有晨風競
搜索其間駭獸欲凌突悍卒爭趨矜手格前驅反
旆弗及舍丘山大委虞中獲翻車瀉酒犒士衆萬
刀割肉恣燔炙塞防寓令豈徒然不在詩人刺荒
癖王者設官猶取衆大姦宿猾許擒扼乘時廢職
莫自效勿謂鷲鳥無全策別有老狐智計巧只就
高城營窟宅疑冰識扱行步穩此日胡由見踪跡

車委公集 卷之一 十一
鵬兮鵬兮未得志將軍憤懣如何釋

病鶴貽劉易

塵寰病思苦仙府歸魂勞
秃翼敗風霰卑棲掩蓬蒿
池圃擯時玩鷄鳧豈吾曹
誰知牢落心萬里孤雲高

示直彥

人惟萬物靈各肖天地貌
中人無賢愚在稟父師教
稟則道業成奮躍出泥淖
不稟墜素風陷身于不孝
汝父最汝憐五歲入學校
文采冀日彰謂如

隱霧豹不見汝成人齋恨掩
泉窖汝兮胡不思先矩勉而
倣柰何一夕眠乃至巳午覺
開口受飲食摩腹混笑開四
體遂吾懶萬事絕掛撓習焉
而忘返統綺事不較高秋八
月涼蚊幙罷蒙罩燃膏繼晝
景著撰勤節抄詔舉有前期
富貴孰不樂忍捐卿相科甘
坐閱醯醢

集卷之一終

韓魏公集卷之二

宋韓琦稚圭著

明康丕揚士遇校

詩

謝宮師杜公寄惠草書

公之德業天下重四海萬物思坏鑪太平之策未
全發先朝請老叩帝居天子只欲勵薄俗不惜一
夔從二踈公持儉節出天性下逮萬世清風孤歸
卜睢陽旋營第棟宇僅足容妻孥自此閑燕何所

樂非絲非竹非歌壺經史日與聖賢遇參以吟詠
爲自娛興來弄翰尤得意真楷之外精草書因書
乞得字數幅伯英筋肉羲之膚字體真渾遠到古
神馬初見八卦圖精神熠熠欲飛動鸞鳳鼓舞龍
蛇攄天姿瘦硬斥俗軟狂藤束纏巖松枯中含婉
媚更可愛千葩萬萼爭春敷開合向背一皆好造
化欲銜天工夫張旭雖顛懷素逸較以年力非公
徒公今眉壽俯八十老筆勁健自古無固知大賢
不世出百福來萃相所扶公之佳壻蘇子美得公

一二名已沾矜竒恃雋頗自放質之公法慙豪麗
乘歡捧以示僚屬一坐聳駭歎且呼便欲刻石傳
不朽荒邊匠拙無人模歸來一一戒兒姪祕重世
與家謀俱重巾密橐眞吾室寶護直比驪領珠神
物孰敢容易探電雹霹靂來須臾

遊開化寺

開化得地勝崇侈何代作全山鏡佛身萬木亘高
閣突然數百尺較力陋禹鑿峯巒翠環合與寺爲
郭郭煙霞無四時爲我張_去幄幙飛泉乘空來直

在庭砌落松栢森成行鬪狀蛟龍惡如整萬人陣
偏伍不敢錯春芳難悉名紅紫競灼灼點綴巖壁
間圖畫曾未若距城纔一舍曠絕類霄堦噫吾何
自勞日窘吏事縛到官踰二暮未克造林壑引疾
得鄉邦晝錦行遂著猛拋公几煩不負真境約精
廬始一登百慮已澄擴徘徊延賓僚開席盛燕酌
歌留嶺上雲吹亂風前鐸勿譏清賞累粗繼東山
樂數刻方暫歡俄景忽西薄歸鞅下危岑眷戀心
欲却何處無林泉隔閼牽寵爵終期報國家功業

再賦

效涓勺連露乞骸章不待七十削歸來解朝紳放
意任衡霍超然出世紛安步適沖漠山蔬充盤筵
村釀滿瓢杓吾壽此其全何必不死藥

晉祠魚池

蒙山崦裏藏禪宮朝蒼暮翠嵐光濃枯松老栢競
醜怪危巒峻嶺相彌縫劒峽路岐唯少棧榆關氣
象全無烽恩深報淺來未得暫留金節開塵容

託羣嬉不畏人似得天真樂祠者常見憐投食任
爭綽且疑神佑之縱噉安敢摸達者時公壤羹鱸
陷烹斫神乎所保扶未免挫陰惡何如致君人其
道本宏博天下日唐虞聲教盡薰灼推此及微類
魚鱉得咸若

難老泉

晉源發濫觴勃勃漲春綠泓然一鑑開俯視神意
肅游儵何大繁戢戢開如粥烏能污吾清更足示
容蓄中或起蛟龍威怒鼓天福膏澤被九區靈德
潤露花木伊予臨此泉自得仁人勗奚專智者心
犇走無停躅

甲午中秋夜不見月

中秋待月高樓上浮雲妬明逞頑黑姮娥積貯一
歲光欲放天下不可得今夕實繫天下望未必舉
世羅遮塞歡明感暗一時偏人不咎天雲所職吾
問雲兮爾無心胡爲動與人相賊歲旱不能含雨
來翻於此夜濃如墨吾欲獨仗倚天劍上決重陰

走姦慝空中奪出黃金盤萬寓澄然同一色

病中望雪

日日顛風喧病枕曾無片雲飛虛空方嗟大疾被
囚縛敢請上帝前民豐人囑衰翁略外事心存衆
瘼能寬中紛紛盈尺諒旦夕和霽迎得春融融

離并州至晉祠次韻荅宣徽富公

公名傑出天下賢終身師慕常顛顛十年一箇數
日別行行不忍移歸軒剛腸出淚收還注感公知
已難違去黃昏病作宿荒城離緒不堪紛似雨

塗次荅宣徽富公書意

臨并踰二碁病感居其半雖以志自勉精識柰耗
亂故於一道事十六七不幹貪權莫卽辭罪大孰
可追納節求本邦所幸脫誅竄君仁惻至誠亟俾
賢者換與公同心人金固其利斷安然解印歸萬
喜無一惋爲別信宿來書日慰愚懦張瑟久不調
易調猶未斷非才辱公知處道誠一貫至於措置
間在理有殊判不當率以私經畫誤遠笑願公新
政條布若星日燦害邊者剗除垢俗者滌浣使茲

全晉民比屋競聳觀僕遠聞公爲省過安敢憚雖
有好事徒議論惡得間

畫錦堂

古人之富貴貴歸本郡縣譬若衣錦遊白晝自光
絢不則如夜行雖麗胡由見事累載方冊今復著
俚諺或紆太守章或擁使者傳歌樵忘故窮滌器
掩前賤所得快恩仇愛惡任驕狷其志止于此士
固不足羨茲予來舊邦意弗在矜衒以疾而量力
懼莫稱方面抗表納金節假守冀鄉便帝曰其汝

俞建燾往臨殿行路不云非觀歎溢郊甸病軀諧
少休先隴遂完繕歲時存父老伏臘潔親薦恩榮
孰與偕衰劣愧獨擅公餘新此堂夫豈事飲燕亦
非張美名輕薄詫紳弁重祿許安閑顧已常兢戰
庶一視題榜則念報主眷汝報能何爲進道確無
倦忠義聳大節匪石烏可轉雖前有鼎鑊死耳誓
不變丹誠難悉陳感注對筆硯

康樂園

惟人生多艱康世豈易偶服業罔不勤樂事豈常

有朝家恩澤寬宣布在封守體民當有時使得遂
仁壽時而無所適是不守之咎相署雖有園狹陋
日已久州人歲節遊若度一筒口至則無足觀疊
跡但虛走遂令歡賞心歸去成煩嘔自圍隔牙城
廣袤半百畝我來闢而通高戶敞軒牖其中完廢
臺雄壯卑培塿城野四望間萬景如在手疏池育
蓮芰表道植楊柳糞壤悉反作平聲除桃李換葱韭
成時寒食春觀者惟恐後人一變壅闕曠若在郊
藪或相攜以歌或相醉以酒知爲太平民歎語競

聚首曰非時之康還得此樂不予因揭是名命意
安敢苟凡茲屏翰賢一境實父母必與衆同樂斯
地肯藜莠作詩告來者庶可傳不朽

休逸臺

牙城之北卽大圃中有廢臺名抱螺基圓有道盤
屈上故以螺目義匪他當時興者擇地審氣象爽
塏形勢多今如孤塚但荆棘不知墮壤年幾何背
城人迹旣罕到往往滿歲無一過我來侵圃治兵
庫得披榛莽登巍巍襟懷豁若出塵外四視天末

窮暹羅滿城風物聚掌上紅芳綠樹明交柯太行
之下不可數萬峯起落如翻波北來州域盡平地
孰若舊鄴襟山河此爲遊覽最佳處遂施畚築完
陂陀臺頭結宇尚簡朴臺面甃甃嚴鐫磨魏宮冰
井久堙沒鐵梁有四淪耕禾精剛之質不少動俚
俗傳詫鄰妖訛云有神物常默護守令千百無敢
拖我憐古物輦而至爲臺之柱植四阿州人聞至
極驚異就臺觀者肩相摩榜以休逸豈獨尚與衆
共樂乘春和主人間復命賓酌樽前隨分絃且歌

病來飲興直衰淺獻酬勉強顏須醜退嘗內省爾
何德爾求自逸人譏訶反思吾本任忠義日不作
僞心無頗君恩至厚假鄉守正宜休此祛餘痾疴
孱報國未能奮慨然倚檻空長哦

荅童望之祕校惠詩求古瓦硯

魏宮之廢知幾春其間萬事成埃塵唯有昭陽殿
瓦不可壞埋沒曠野迷荒榛陶甄之法世莫得但
貴美璞踰方珉數百年來取爲硯墨光爛發波成
輪求之日盛得日少片材無異圭璧珍巧工近歲

知衆寶雜以假偽規錢縉頭方面凸槩難別千百
未有三二真我來本邦責鄴令朝搜暮索勞精神
遺基壞地徧剝窟始獲一瓦全元淳蘇斑着骨尚
乾翠夜雨點漬痕如新當時此復近簷溜印以篆
字花其屑磨礱累日喜成就要完舊質知無倫吾
才寡陋不足稱思與好古能文人好古能文今者
誰武寧祕書章表民無詩尚欲兩手拊何況大雅
之奏聞鏗純

荅陳舜俞推官惠詩求全瓦古硯

鄴宮廢瓦埋荒草取之爲硯成堅好求者如麻幾
百年宜乎今日難搜討吾邦匠巧世其業能辨瓌
竒幼而老隨材就器固不遺大則梁棟細焚燎必
須完者始稱珍何殊巨海尋三島荆人之壁尚有
瑕夏后之璜豈無考況平此物出坏陶千耕萬斲
常翻攪吾今所得不專全祕若英瑤藉文縑君詩
苦擇未如意持贈只虞咲絕倒君不見鎮圭尺二
瑁四寸大小雖異皆君寶

觀胡九齡員外畫牛

丹青之筆奪造化能者幾何登品錄蛟龍獰惡鬼
神怒更工不接時人目有形之物至者稀是否難
斯衆所矚絳臺胡掾文章外偏向畫牛其好酷海
內馳名三十年得者珍藏過金玉老來纔始着青
衫養親不及朝家綠前日野服忽相過云訪恩知
走京轂微風入指未能畫示我蠟本數十幅採摭
諸家百餘狀毫端古意多含蓄鬪者取力全在角
卧者稱身全在腹立者髣髴精神慢背者分數頭
項促行者動作皆得羣乳者顧視真憐犢當流泗

戲益自在欲渡或疑猶蓄縮從容飲嚙得天真荷
鞭時有童兒牧或橫一笛坐牛背便是無聲大平
曲江天雨雪易溟濛風勢掀號摧古木欹斜蓑笠
趁牛歸蕭疎暮景煙村宿竒哉胡掾老筆不可到
戴叟重生須死伏吾觀諸牛之態雖盡妙尚有所
遺思未熟牛於生民功最大不畫牛功牛亦辱胡
君胡君聽我言別選輕綃成巨軸寫出區區耒耜
勤貴知天下由吾方食足

中秋對月送姚闢教授南歸

去歲中秋安帥并今歲中秋病守相并筵極口詈
浮雲終夕蟾光被遮障相臺此夜天如水露壓涼
風秋氣王有客軒然襟義高直自睢陽來一訪相
與僚賢共茲賞坐看玉輪從海上皓色疑專白帝
權晴舒萬寓俱澄曠斜漢昭回列緯繁收縮精神
烏敢放有如大臣得時用王化恢宣賢業暢千官
戢伏任施設默默坏陶從巧匠金波漸轉落金樽
酒色映空寒動蕩一宵清景換塵寰自得詩人難
擬狀時揮大白日嬋娟意入杳冥搜絕唱勿嗤幽
圃陋吾邦吾樂不知崑與閬人生聚散固難必明
年此會知何向相逢對月復開懷詩筆鬪豪杯鬪
量不然千里起相思百尺樓高同一望

喜雪

至和乙未夏二麥死大旱秋田不下種熬然六月
半天意忽垂惻滂澤遂瀰漫九穀飽甘滋時苦被
漑灌一變大有年農籍脫逋竄旣豐復不雨累月
病乾曠驕陽發仲冬溫氣襲閭閻斂輸誠無艱瘡
瀉恐莫道何期日至前風怒陰不散吹開六出花

空際自凌亂徐徐失埃氛稍稍重枝幹移時平瓦
隴逮夕没田畔雖下不及尺近歲亦稀看瑞諜宜
首書他物烏足冠始寤天之神俾下不可筭小民
徒怨咨一顧回屯難君子當信天夷險存大觀惠
姦豈固然福善終冥判吾喜開吾樽對客共歡歎
一病久誠飲當席由吾斷引滿且酣歌輕凜談間
扞未必不因此反得攄吾患

別鎮陽監倉陳薦祕丞

一紀帥三垂待士敢不至推誠以求應百不得一

二彥升其應者所應由道義幕中六七年始卒無
少異嚴霜摧萬木老栢彌蒼翠烈火熾三日良玉
自溫粹奉親不可留含笑就委吏須代處洛邑潔
羞勤以遂我病來相臺去客無所覲彥升兩見過
顧舊不顧利言別之遠官駑櫪飼騏驥啼齧慎勿
較所困非吾類自古賢者爲爭免不肖忌坐待天
衢亨萬里觀騰轡

寒食親拜二墳因誡子姪

春色清且明節盛一百五寒食遵遺俗潑火霽微

雨非才忝國恩因病得吾土何以知殊榮此日奉
宗祖新安惟皇考豐安則王父松楸各萬株崗勢
擁城府二塋相去間近止一舍許前曉揭旌牙蠲
潔具壘俎芬馨達孝誠優若侍容語禮成無一違
觀者競墻堵追惟愚小子未老膺旄斧顧已胡能
然世德大門戶思爲後嗣誠永永著家矩子姪聽
吾言汝各志心膺汝曹生綺紈得仕匪難苦學業
勤則成富貴汝自取仁睦周吾親忠義報吾主間
須求便官墳隴善完補死則託二塋慎勿葬他所
得從祖考游魂魄自寧處無惑葵師言背親圖福
枯有一廢吾言汝行則夷虜宗族正其罪聲伐可
鳴鼓宗族不繩之鬼得而誅汝

初赴早朝

踈星掛闕角落月含輕雲兀兀馬上身叱叱馬前
人瘦骨峻秋霜病瞳昏陌塵自顧爾空空胡以裨
吾君

次韻荅子淵學士

憶昔明道初窮冬晝短晝給札金鑾坡孤拙並髦

秀諸公名世才奮筆若神祐蕪辭亦見收聖造等
 天覆子淵親契深實出同試右自茲接珍羣軒翼
 翀紫宙忠義必相勉權利孰肯就洞照無隱情育
 臆爛辰宿宦路有亨塞叨竊愧鄙陋何時聚德星
 一慰荀陳舊

寄題西京致政張郎中靜居院

休官得宴閑理因居處靜中或不自達觸物撓天
 性遂令優游心反致寂寞病二川有耆英識豈斯
 人並周才當要識美譽著羣聽氣體殊未衰援禮

請還政安車得西歸蕪沒治三徑蕭然絕世紛日
 以道自勝以靜名厥居内外了相稱君懷本清虛
 復此林泉瑩君道本和樂况有琴樽命新堂闢四
 隅立意尤高迥完之四堂有夷心會
真清白金蘭之目夷襟造真境

友益具子令藥品稽神仙門法尚忠正肌膚松菊
 香君餌松菊
已如故云庭砌芝蘭盛天宜錫難老以示君子

慶予亦希君者誤寵竊機柄無裨紫極尊動有赤
 松興報國苟錙銖竄身違陷穽雅志吁未諧高山
 徒景行

榮歸堂

非才忝四鄰待罪涉一紀妨賢得云久不退不自
耻永厚復土初疊奏犯斧展乞身臨本邦多疾便
攝理帝曰吁汝琦輔翼甚勞止今俾爾榮歸揭節
治故里均逸向盛辰寵異固絕擬整裝將北轅羗
釁兆西部俄易帥咸秦旰食論所倚艱難惡敢辭
犇走奉寄委天聲方震揚狡宄懼夷毀欵塞械凶

酋唯幸赦狂詭彊事計日寧拙疹乘衰起披誠叩
上仁再遂守桑梓疋疲解劇煩宴息良自喜園池
昔恢拓顧覽盡遺軌獨於北塘北地勝失經始前
人欲興作就此創基址中輟如有待命我成斯美
鳩材亟僨功因陋僅增侈芳林環密陰鯨口下洄
水吾堂據其陽萬象來明熾匪直怡病襟間足具
賓簋僚屬請吾名在景或在已吾謂夸風光未若
尊制旨視榜以思報義實畫錦比或笑此翁愚榮
極尚不已鄉間得整休胡自勤勤耳吾曰勤雖愚

吾慮亦長矣天地施大恩報上盡螻蟻終期謝貴
仕歸第保頽齒吾舍與公居相去百舉跬豈無賢
太守有意待園綺安車時一來爲我此加禮

謝并帥王仲儀端明惠葡萄酒

并門昔歲叨擁旄公厨酒熟醺葡萄公時帥渭輒
馳獻助臨軍享投芳醪辱公詩答極愛重氣骨稚
健陵風騷公今大鹵盛開府我得鄉守均疲勞却
煩新釀遠相遺故人義比丘山高衰翁拜賜喜自
酌持杯有感生鬱陶憶昨朔邊被朝寄亭燧滅警

兵鋒韜時平會數景物好齒髮未老胸襟豪當筵
引滿角勝負金缸灑溢翻紅濤間折圓荷代舉酌
坐客皆去如奔逃我乘餘勇興尚逸直欲拍浮騰
巨艘比來病質極枯瘠兩目眵淚顛無毛較前飲
量復何有十分耗謝餘釐毫復嬰風眩戒食味曉
口絕望露珍螯雖然公醞敢輕用留吞藥劑傾甘
膏縱逢嘉客銜公貺三爵已命緘封牢錦堂風和
弄弱柳螺榭日暖烘天桃茲辰慶我重加惠勉與
父老同春遨

安正堂

公居胡葺爲非事土木盛湫陋必氣鬱爽塏則神
瑩全魏今別都地總北道勝輶傳旣旁午牒訴亦
紛競惟日過目前豈暇圖休靜因仍府舍間敝壞
殊不稱茲余忝帥守上責賦荒政無術濟饑流感
速賴仁聖連書大有年愁感變謳詠漸舒緩集勞
獲治淹痼病願生擇所宜宴息務清迥乘閑新此
堂庶用安吾正汝正果何如自得本天性進特仗
孤忠退免全剛勁內確信吾守外一歸諸命安然

而處思吾宇甚泰定詩酒延嘉賓二戰或酣管笙
歌樂良辰高郢下淫鄭射圃夾羣芳角妙資豪興
所適敢專享意實在遐曼繼來皆鉅公同調決相
應從容坐鎮餘浩氣端而挺將寧道德淵諒悉欣
流泳知不廢吾堂是可以前慶

善養堂

金銅飾巨扉其上覆高屋青石鑿雙轍其下走彫
轂東西翼危墉陰以扞攻觸自昔藩鎮強尚此存
遺躅後守營厥居渾擬苦迫促余來亦患之重改

敢輕速會茲歲月深朽敗鮮完木一旦忽傾摧
迹鉅可復余得矯前爲命徒墮舊築堂皇遂延
興寢適涼燠廊廡悉舒明瞻望快耳目移樓成
廣厦面勢壓平陸旣忘登陟勞又遠顛躋辱外
將延賓僚內足燕親族乘閑娛詩書遇節振絲
竹頤真與放懷動靜獲所欲於氣貴能養在禮
思無瀆侯邦謹法度是克綏遐福踰制苟幸免
更久猶追戮吾居已絕嫌道義斯同育

孫賁書記以齊安舊文爲示感而成詠

余兄天聖中尚抑齊安守余遭所生憂得歸侍
左右孤糝獲苟存朝夕賴誨誘兄材無不宜吏
治孰可偶公庭常寂然所樂在文酒臨江三四
樓次第壓城首山光拂軒檻波影撼窓牖原鴿
欵集間萬景皆吾有兄詩豪且奇氣燄摩星斗
優游預賡和惟自媿荒醜于今四十年日月甚
奔走當時相聚者十已喪八九嘗爲春亭記烏
敢示不朽孫君里中來云亭廢亦久徒有舊文
在况足失其手兄後見曾孫弟老成衰叟一身
雖寵榮百慮鎮紛糾何

如昔日歡投泣念愛友

開泉

先塋東北隅有泉勃而出奔跳若夔鼎萬眼沸不
一始雖稍泓澄漸乃肆沕滴吾嘗展祀餘愛玩必
終日爰從大旱來數歲竭如室傷哉利澤源頓爾
藏於密吾今具畚鍤試欲疏潛窟開無數尺間舊
脉俄騰溢涓涓力尚微勢已舒沈鬱我願天道常
不使五行失均調四氣和寒燠皆從律宣其潤下
功復得霑羣物

虛心堂會陳龍圖

余嘗愛此君中虛外有節手植數年間萬戟競森
列爲堂於其中一境遂清絕雖歸臨本邦事豈免
羈繼不得時相親固負好風月方將乞殘骸就第
養衰拙孤懷造崑閬直氣卷金鐵終日對嬋娟卒
歲伴高槩春來忘芳菲夏至失炎熱秋深凌嚴霜
冬暮映積雪居無一不宜嘯傲遠塵媒茲樂期誰
同實係長者轍相從挹天真共話到禪悅簪籜豸
冠聳拉筍犀株折乘醉卧踈影敲玉應仙闕此志

吁未遂對酒勿輕別

醉白堂

顛老新成池上堂因憶樂天池上篇樂天先識勇
退早凜凜萬世清風傳古人中求尚難擬自顧愚
者孰可肩但舉當時池上物媿今之有殊未全池
東無廩貯餘粟池西無亭揮五絃中無高橋跨三
島下壓鼇背浮清漣其間合奏散序者童妓百指
皆嬋娟平無三石展湘簟靜無雙鶴翹丁仙稚無
吳郡青版舫游泛安便牢且堅吾今謀退亦易足

池南大屋藏羣編一車豈若萬籍富子孫得以精
覃研夾堂修竹抱幽翠森森擁檻竿逾千池中所
出粗可愛芡盤菱角紅白蓮芍藥多名來江都牡
丹絕艷移洛川及時花發池左右香苞爛染朝霞
鮮蕙老于此興不淺間會賓屬陳芳筵妖妍姬侍
目嘉卉呶啞絲竹聽平流泉宜城釀法亦云美詩
酒僅可追前賢狂吟氣健薄霄漢豪飲體放忘貂
蟬酒酣陶陶睡席上醉鄉何有但浩然人生所適
貴自適斯適豈異白樂天未能得謝已如此得謝

韓魏公集 卷之三
吾樂知誰先

戊申臘寒

朔風吹苦寒近歲省未有重裘不可禦凍袖敢出手初嚴刮面膚漸虐搖臂肘終難凌壯肌殊易挫衰朽持觴欲爲敵病胃怯戰酒茵幃通作冰強卧安得久擁鼻反收吟其孰噤汝口何必窺園池銑意墜戶牖流庸方滿塗天不念黔首吁嗟卒無奈默坐筭五九

韓魏公集卷之三

宋韓琦雅圭著

明康丕揚士遇校

詩

龍

育德知何宅逢辰或見靈配乾雖有象作解本無形浹物周寰宇遺功在杳冥丹青如可狀試下葉公庭

鳳

破邪應難至聞韶定有儀去同君子道來協聖人
期苑竹多成實宮梧幾換枝何時天閣上巢可俯
而窺

次韻和春卿學士早春

雪霽春來極目心遠眉新黛破遙岑風傳花信催
寒晚烟染柳姿隨日春酒美好陪遊騎闔桃香誰
待此門尋歡期未集芳辰在客對慵繙簡字金

明鎬學士領漕益州

忠臣重此過邛邲經計才優帝命諧縣弩清塵資
遠撫史彤修職峻榮階蜀天星入人先候劔路銘
昏蘚半埋錦里萬家迎使旆壺漿應釋去思懷

次韻和子淵學士春雨

天幕沉沉淑氣溫雨絲輕軟墜雲根洗開春色無
多潤染盡花光不見痕寂寞畫樓和夢鎖依微芳
樹過人昏堂虛座密珠簾下試問淳于醉幾樽

周沆著作宰秀州嘉禾

鹿身名邑得嘉禾銅墨猶嗟滯俊科前席未期宣

室召聞絃還繼武城歌酒旗穿柳春堤迴魚艇藏
花夕唱和對此不勞披縣譜且求新句解詩魔

叔平學士知青州

厭直圖書府思爲海岱州郡符分竹使親膳潔蘭
羞文石輸忠密仙山進職優過家門納駟卜地隴
眠牛暮霰凌羈玉朝暎艷戟油恩寬敷漢札政善
治齊謳水際春芳盛尊中客醞浮物饒三服麗居
樂五民游松鬣低容宴峯螺翠入樓行聞西掖召
真賞莫淹留

館直二闕

玉山岑寂雪苍軋僊掌風高露未溥自笑曼都凡
格在一宵無柰月邊寒

章溝傳漏過三更霜壓寒威特地生苦恨回環窓
外鐸幾番幽夢不教成

張唐卿狀元通判陝府

發策無雙動紫宸班條新貳兩朱輪宵冥僊桂天
香重蔽芾甘棠俗化醇駟馬同榮歸蜀道二龍齊
躍出雲津前期丹禁徊翔地鳳沼波平藥樹春

和春卿學士桺枝詞五闋

樓前輕雪未全銷
偷得春光入嫩條
似向東風猶綽約
可能渾忘舞時腰

陌閑宮古綠烟迷
惹盡春愁困拂堤
却爲多情足離恨
故教溝水亦東西

章街風曉起新眠
寒食輕陰未雨天
無限青絲拂遊騎
一生芳意負金鞭

淡烟輕日簇誰家
微出青旗一帶斜
對景似嫌春意老
更揉踈影掃殘花

畫橋南北水連天
纔聽鶯聲又晚蟬
長使離魂容易斷
春風秋月自依然

和春卿學士上元罷燈

絲竹沉聲月泛波
警宵方喜罷誰何
樓深酒密客留易
路遠香殘人去多
寒燭倚蓮猶結淚
澹雲歸隴不停歌
那知夢穩瀛州上
正是鈞天九奏和

館宿聞宮中奏樂

次韻酬子淵學士燈夕不出聞諸公繼有遊

賞

繁聲沉夕籟香燭競春葩玉射樓前雪雷驚陌上
車月閑花院掩風軟酒帘斜莫駐城南騎遊人自
有家

和邃卿學士雪霽登秘閣

曉來延閣步層梯春色周圍一望低殘雪半留珠
殿北非烟長護綺窓西西卽路寢幽情自逐歸鴻斷芳
意還因遠樹迷金匱有書猶未見秘封香篆鎖芝
泥

上巳前與同舍出郊過金明池

天波新綠染成春波面輕風起細鱗隔岸鳥聲低
弄曲出墻蒼艷遠含嚔柳經傷別還多緒鷗爲忘
機不避人三月偷遊僊署友肯思迢遞走征輪時差

接伴
虜使

和春卿學士登廣文閣觀京闕之盛

層閣鬱嵯峩登臨逸意和雨餘春色動天闊夕陽
多棊布金杯第環通璧沼波泥中足車騎應笑翟
公羅

和曼卿學士明河

太極疏靈派長河注遠津波明動星斗氣直貫秋
旻月滿還知晦雲收不亂真何妨借餘潤膏雨及
生民

葉參兵部知湖州

鄉郡分符虎刻銀影纓清曉別楓宸駟車歸邸夸
新綬鶴表還家謝故人度日客樽盈箬酒經春詩
筆賦汀蘋編民應久歌來暮棠樹成陰卽舊隣

郡亢茂材南歸

褐衣親策對中宸三道精求素業陳履跡見穿期

仕漢璧瑕因指不留秦雲迷江樹歸艤促翼退天
闈客夢新好俟鄉人再推上決科優等繼平津

陳洎太博知虢州

官綬飛蒼使轂丹臘天行色犯輕寒持平久奉虞
刑恤宣澤新承漢詔寬擁傳想逢關吏歎愛棠還
接陝民歡三堂風物應如舊公退先尋記字看

玉礪寺丞河南知錄

西都爲掾促征輪南浦分攜碧艸春卿寺試才方
命秩天衢飛步已逢辰洛濱修禊浮觴散水際看

巷第品新櫻酪有期誰共薦曲江應記並遊人

次韻和方謹言郎中再觀省中手植竹

翠影參差漸拂堦清郎從此占竒哉昔為尊
羹去戀爾今同菊徑來玉聳勁枝欺暮雪繡殘文
籜委寒苔虚心高節依然在幾見繁英落又開

寄葉參兵部

向宦心難止遺榮世所稀誰知懷綬去便作掛冠
歸行錦方為寵裝金已盡揮官閑同吏隱身逸晦
塵機山鶴來無怨江鷗淨不飛雨晴峯障闊秋老

鱠絲肥庭玉名方遠陔蘭志暫違倚門休結戀史

筆借光輝

子清臣
時修注

馬尋比部兩浙提點刑獄

東南詳讞得材臣親對天墀奉至仁舜服暫平惟
恤典漢廷曾譽不寃民園扉鞠草提封靜高蓋容
門令德新最好齋航初按部柳汀花瀨正逢春

陳商學士知常州

疊鼓聲喧下鷁舟書山蕭索別英游青藜照字觀
竒廢朱雀分符錫命優霞夾烏檣晴旆卷星搖漁

浦夜燈幽尊風正熟帆無恙一色江天望處秋

得太清小檜植館中

僊檜移來近紫壇亭亭將見起毫端纖枝未覺來
風韻勁節先知度歲寒得地最宜儒館種結根須
作棟材看願將軒竹陪蒼翠帶雪開樽助雅歡

宋任著作宰江寧溧水

訊察無冤善最聞剽繁南邑遇盤根還將決獄平
反意去作臨民撫字恩淮上月高生麗思浦前春
老醉離魂知君陰德終陽報容駟何妨大里門

道鄉學士領二浙漕賦得酒

傾釀留佳客秋亭弭使旄奉觴歸養切行筭別魂
勞上若名鄉近長安美價高
清懷思酌水惠政憶
投醪論德堪成頌評詩更助豪行聞趨節覲同我
怨持螯琦往年不遂龍舒之行道
鄉以不曾蟹形于嘲戲

再賦柳枝詞二闕

曲江風暖曉陰斜翠色相宜拂鈿車自是春眠慵
未起日高人困又飛花

葉葉新長約黛蛾絲絲輕軟任風梭啼鶯便學歌

喉嚨知是春來舞意多

離都

已下八首接
伴塗中作

握節背都門
春天景半溫
柔鞭難駐馬
芳草易銷魂
遠日和煙重
離懷助酒昏
好花無奈野
時復映遙村

上巳

遠道今逢袂
袂辰雨餘風
物一番新等
閑臨水還思
舊取次看花
便當春絮雪
暖迷西苑路
車雷晴起曲
江塵臺英正
約尋芳會誰
是山陰作序人

寓目

擁傳修途倦
逢春旅思長
遠煙含樹色
細雨起塵香
隴麥成行綠
林鶯並對黃
揚鞭聊自慰
舉目見韶光

行早

脂轄行傷早
揚旌興莫窮
水遙天色共
雲細月波通
巧舌爭啼曉
香牙盡入風
縱吟殊未已
初旭放晴紅

寒食

常鬼八集

卷之三

九

國珍

漢宮新蠟未開煙寒食東郊躍駿天人面映花誰
感事客心燃火獨成篇塞鴻歸渚遙書字營柳因
風強破眠賴有目前隨分景數村和樹起鞦韆
登永濟驛樓
遠煙芳草媚斜陽蕭索郵亭一望長盡日倚欄還
獨下綠楊風軟杏花香

塗中暑熱憶諸同舍

振野驚風拂面塵赫曦流爍犯征輪酒非逃暑處
成會老未忘憂謾映人綠水已傷春別舊碧雲長

起暮愁新朝來記得瀛州夢目斷英游極愴神

聞角

古堞連雲暝靄收嗚嗚清調起邊樓雍琴垂淚虛
成恨羌笛殘梅未勝愁數曲伴風吹戍壘幾番侵
夢入賓郵聽來便覺春心破素髮生多不待秋

入孤州遇雪

已上四首
北使日作

雲壓孤城勢漸低昏昏臺榭雪霏霏人遊兔苑何
妨醉使適龍沙未得歸夜館月明交素影曉塗霜
重借嚴威風前似慰征軺意先學楊花二月飛

紫濛遇風
草白岡長暮驛餘朔風終日起平沙寒鞭易促郵
泥躍冷袖難勝便面遮迴嶺卷回雲族破遠天吹
入雁行斜上囊微乞緘餘怒留送歸程任擺花

使回戲成

專對慙非出使才拭圭申好歛旌回禮煩偏苦元

正拜虜廷元日戶大猶輕永壽杯永壽虜國元辰

白酌欹枕頰無歸夢擾據鞍潛覺旅懷開明朝便

是侵星去不怕東風拂面來

過虎北口

東西層巘鬱嵯峨關口纔容數騎過天意本將南
北限即今天意又如何

戲題僊掌

三峯晴曉碧相挨仙掌分明出霧開莫向巍峩銜
高手也魯先得桂枝來

題利州昭化驛

嘉陵源出本朝宗地險無因直赴東從此逆流歸
順去恬波遙與峽江通

過三泉龍門二闕

洞戶呀然透碧溪竹軒茅榭映高低行人不待桃
花發一到仙扃已自迷

時知縣錢丞增葺亭
榭間植天桃故云

欣過龍門柅使車頓驚凡目識仙都海中知有三

山在未信能加此景無

漫天嶺

欲使行人直過難倚江凌漢任盤盤紆回到頂終
須下如此天高甚處漫

題嘉州嘉望亭

欲知藩境得嘉名試策筇枝上此亭江色照城平
似練嵐光堆檻淨如屏好遊民阜克衢樂出品花
奇麗坐馨使驛暫來閑寓目幾多高意在鴻冥

再賦一闕

檻外嵐光觸處奇嶺頭金像對巍巍主人偏戀南
犍樂只恐瓜時未肯歸

皇子誕慶五言十二韻

聖統垂千祀天仁覆萬方思賢詠場藿與儉緝帷
囊寬法均疏網憂民甚納隍晝衣期不犯行葦見

無傷列廟靈潛佑高穹意默彰故教生嗣晚欲示
十年長帝夢前推吉郊禱此報祥協辰初告望紀
節正迎商和氣隨銅律休符集畫堂清颯來羨應
瑞旭薦榮光九縣歡聲沸三都惠澤滂非才塵近
掖援筆頌無疆

慶曆甲申郊禮呈成五言十韻

上御路寢致齋雪作
行禮日景色澄霽

聖饗申精意靈心察至虔因知齋次雪爲顯祭時
天清廟陳豐潔中壇致吉蠲樂和來瑞物景霽見
非煙十日灰飛管通祠火舉權知茵新禮重虛幄

睟容專盛美推穹昊釐祥被幅員慶成朝萬玉霈
澤謹三錢有幸瞻熙事無才列奏篇爲民祈福應

親記德音宣

上太廟宿齋雪霽二府稱慶
上曰此爲民祈福之應也

雲

郁郁疑非霧融融散薄陰油然天下澤淡若嶺頭
心適意自舒卷有容誰淺深朝來殊未起幽谷闕
龍吟

霜

霜威昨夜肅天區平曉蒿蘭一槩枯不悟春仁入

根本只憑秋慘及皮膚寒鋒刺甲過矛戟皓色禁
人着鬢鬢料得西風如未緊且來枝上作明珠

初雨

乍覺塵香動風前細若縑無聲猶似雪得潤已如
膏美利存南畝餘滋付小桃誰知青皞德意不爲
嬉遨

新柳二闋

弄黃含綠葉開眉最有春來次第知生計任隨栽
者意却嗤松柏不禁移

驛路行人東復西等閑攀折損芳枝有生自是無
根物忍向東風贈別離

惜花

看花關有分分薄亦蹉跎蜂蝶爭無限笙歌得幾
何利名長自役風雨不須多趁取紅香在高吟卷
醉螺

柳絮二闋

慣惱東風不定家高樓長陌柰無涯一春情緒空
撩亂不是天生穩重花

韓翃集 卷之三
絮雪紛紛不自持
亂愁縈困滿春暉
有時穿入花枝過
無限蜂兒作隊飛

錦被堆二闕

碎剪紅綃間綠叢
風流疑在列仙宮
朝真更欲薰香去
爭擲霓衣上寶籠

不管鶯聲向曉催
錦衾春晚尚成堆
香紅若解知人意
睡取東君不放回

牡丹初芽爲鴟啄之感而成詠

牡丹經雨發香芽
滿地新紅困餓鴟
利觜可能傷

國艷只教春色入
凡花

遊蜂

遊蜂紛撲競花繁
未到香鬢只自喧
盡日却輸胡蝶計
鬧紅心裏默無言

新燕

出入高堂性似馴
泥巢深穩足容身
彫梁並宿嫌頻看
巧語多應是罵人

過隋城

信馬隋城下行春
訪舊傳樓臺在何處
瓦礫半耕

韓委公集 卷之三 十五
田遠籟悲笳咽餘花墜靨圓只留荒侈迹千古監
青編

苦雨方霽蛙聲不已

暑雨朝來已厭多蛙鳴猶更幸滂沱雖然快爾狂
跳志爭柰良田有害何

題翠鐘亭

鐘峯隱隱隔江湍翠色偏宜雨後看大抵興王湏
恃德饒君終古作龍盤

蜀葵

炎天花盡歇錦繡獨成林不入當時眼其如向日
心寶釵知自棄幽蝶或來尋誰許清風下芳醪對
一斟

中秋月二首

自古中秋月風騷得意難幾人停醉筆終夕凭危
欄海際掀鯨目雲端擢露盤一年相別恨併與此
時看

月滿中秋夜人人惜最明悲歡徒自感圓缺本無
情天外有相憶世間多不平嫦娥難借問寂寞超

西傾

張逸人歸杭

不因閑適出中林塵外高蹤豈易尋
鴻在碧霄誰可慕雲歸蒼島本無心
堤奩一鑑平湖滿寺枕千屏
疊嶂深知已重留多下榻故栖猿鶴莫驚吟

答丹陽李公素學士

與君爲郡不相遙只隔瓜洲一信潮
誨字屢傳來客素治聲常逐過
江橈詞垣暫爾淹鴻筆宴席何妨引
巨蕉詩句滿筒煩借譽爰居空自愧
虞韶

謝丹陽李公素學士惠鶴

高籠攜得意何勤玉樹慙無可待君
只愛羽毛欺白雪不知蒐夢託青雲
孤標直好和松畫清咲偏宜帶月聞
自有三山歸去路莫辭時暫處鷄羣

和潤侔王太博林畔松

鬱鬱山頭翠色攢就中高格出林端
霜凌勁節難摧抑石纏危根任屈盤
古鬣自隨仙日老孤風不入俗人看
時來匠者須回顧且稟幽姿待歲寒

菊

萬卉趨枯歛香含鬪晚葩甘名應得露野色豈如
家俗態惜遲暮芳情誰怨嗟重陽樽酒伴不見牡
丹花

重九會光化二園

寺枕隋家廢苑前登高還此會僚賢凭軒莫賦悲
秋事剩撚黃花送酒船

誰言秋色不如春及到重陽景自新隨分笙歌行
樂處菊花黃子更宜人

黃通尉郎鄉

古邑萬山裏區區一尉行高堂方待養寸祿豈宜
輕身屈何傷道才多少晦名贈言如可取畏路坦
然平

答胡恢推官

當年都寺接賢初屈指光陰一紀餘自說三茅深
處穩不逢雙鯉寄來書隔江聞授諸生業命駕因
煩長者車得見新詩與高論積年勞吝已全祛

春晴

霽色破春昏高樓日未曛林稍零舊雨山頂入殘

草委集 卷之三
雲醉粉勻花頰風羅皺水紋踏青人誤約芳思幾
紛紛

春霖

咫尺東郊路春霖絕未通銷閑生奕思醒睡費茶
功樓迴昏昏霧牕寒霎霎風待晴桑陌上五馬恣
璵瓏

馬上成春雪二闕

二月風光盡屬春六霏何苦妬芳辰東君等是回
生意須與鶯花作主人

曉來飛雪柳香芽料峭輕寒特地加青帝似矜春
意早更粧新夢與梅花

過梁山泊

巨澤渺無際齋船度日撐漁人駭鏡吹水鳥背旗
旌蒲密遮如港山遙勢似彭不知蓮芰裏白晝苦
蚊蟲

移師真定次韻答致政杜公

常山畫野直天街寄重如何付不才躍馬敢辭奔
命去打曾是奮身來軍中紀律勞人葺林下罇

車委公集 卷之三 十一
疊得意開引領忘軒無路到幾臨風月獨徘徊

常山出郊馬山口占

旌旗乘曉出郊原五馬臨風一慨然山勢似屏西
限晉地形如掌北擒燕麥含豐澤催齊秀蠶飽柔
桑起大眠守帥勉希廉與藺九重高枕不憂邊

登西大悲閣

藹藹西藍閣煩襟一望開山川歸盛德姦傑委沉
埃城迴雲連堞烽閑草蔽臺誰知太守意不爲納
涼來

別潭

一潭嘉景四時新不得經年作主人蓮芰風前忘
九夏綺羅香裏醉三春勤勞疆場誠無避粧點蓬
瀛惜未真多少勝遊休結戀報君須自立消塵

新館

宴宇新成苦未嘉忽膺朝委易軍牙張侯暫喜留
歡客開檻憑誰種好花北沼不難平釣岸釣岸未成西
峯猶欠入窓紗城樓未立後賢政敏多餘暇高會何妨

月影斜

次韻和交州王待制過汶上見寄

淺局雖難繼大才谿堂佳致亦添來奇花並蒂宜

新種琦自廣陵取芍藥數種植于谿堂之南皆冠髻雙頭之品芳樹連柯得舊

栽琦移連理廳于谿堂之南偶得連理林檎樹之新廳之前良執假途形詠歎

隣封為治惜淹徊想君醉問歌人處不向風前酌

一杯

中秋不見月

中秋宜月不教晴人倚危欄意未平任是他時圓

更好爭如今夜略分明

韓魏公集卷之四

宋韓琦稚圭著

明康丕揚士遇校

詩

北嶽

四海尊方嶽常推朔鎮雄陽為中夏勝陰與北胡

窮孕秀賢豪出宣靈造化通斗乘天位正乾發帝

基隆盛畜嚴凝氣橫障廣莫風舉頭瞻駿極危坐

壓崆峒殖物資坤德栖真因坎宮星纏函畢昴祀
典軼王公俗仰良材富年隨喜澤豐左肱揮渤澥
右股跨獯戎地險祠庭革時平戍壘空嵐光朝撲
黛寶色夜舒虹有藥皆竒種無花不異叢層巔健
鷗鷺怪穴老羆熊肆覲儀雖闊斯民望未克何時
清大漠封牒紀宸功

喜雪

朔雪飛殘臘融和變凜嚴徐來花出六驟急霰聲
兼數住天應惜爭繁酒易添積深涵久潤濟大略

微嫌雅意明書幌多情入宴簾舞腰難學轉峯頂
尚饒尖露藥仙盤挹風毛獵圍燐宮牆胡粉畫梅
梗蜀酥黏影淡三春絮光寒八月蟾坦塗誰復辨
巨壑有何厭狂助詩毫逸清驅厲氣潛歡謠騰紫
塞喜色上彤幃凝霽收冰乳堆庭鏤虎鹽吾民無
足慮豐歲可前占

合巹上元罷燈

燈夕何蕭索朝家恤殪災民心無柰鬱春意有誰
開明月舒雲懶遊人怯漏回堪嗤愚太守獨欲上

熙臺

郡西齋有夜合萱草對開因成二闕

合歡香影拂西齋萱草前臨小檻開待爾忘憂與
蠲忿爭如無事起靈臺

合歡萱草兩含芳一見令人樂興長惟是憂邊與
憂國對花終日不能忘

謝真定李密學惠牡丹

窮邊無處覩春榮咫尺常山似洛城會得主人將
雅意欲教隣境伏香名全開正弄朝霞色半謝猶

含暮雨情只上賓筵供一醉也勝渾不見芳英

答陝府春卿資政

蓬山曾許挹浮丘踰紀光陰一瞬休朔塞風霜人

易老申湖歌舞景長留我臨賓席頻先醉

君對仙棊幾自謳公好臨棊而歌其韻尤清千里詩來還感

舊不堪斜日凭邊樓

再答

一從西北困邊塵瀛館仙游更莫親只慣彎弧揮

太白公前書會以彎弧太白為詭幾曾橫槊賦青春晴郊按獵

長侵暮夜橐飛郵不待晨多羨其棠閬無訟時將
佳句惱麤人

題覽勝亭

在北城上

極目知何勝東西矗萬岑天雖限夷夏人自失喉
襟遠木已秋色亂雲猶夕陰清風誰會我太息撫
霜鐔

題養真亭

新葺公居北虛亭號養真所期清俗慮不是愛精
神滿目林巒趣一心忠義身吏民還解否吾豈苟

安人

北塘避暑

盡室林塘滌暑煩曠然如不在塵寰誰人敢議清
風價無樂能過白日閑水鳥得魚長自足嶺雲含
雨只空還酒闌何物醒魂夢萬柄蓮香一枕山

次韻和致政王子融侍郎歸休述懷二首

周旋通顯竭忠勤勇退翩然得謝身鳴玉乍辭天
上貴揮金長示里中仁蒲牀黃卷開爲伴一枕清
眠任過晨六十九歸今昔少萬年青史紀高人

禮稱七十還君事豈必如期許退身臣子引年雖
審分朝庭圖舊合推仁曉登文石方延刻暮掛危
冠不待晨竊惜聖神求治意未宜輕去老成人
次韻和真定李侍郎新荆流杯亭
不有浮觴樂誰知愛客深投醪當席意修禊昔賢
心自至疑仙術虛來協道襟去留雖任物斟酌孰
窺陰阻挹齋中酒空勞塞上吟清潭時一望搔首
莫能簪

依韻和機宜陳薦請游城北池館二首

只恨無才濟阻饑北塘因爾失春期民心方喜稻
禾熟秋色不關臺榭隰一派芰蓮輸水鳥幾船烟
雨卧風旗佳辰賴有詩人覺較得紅芳又變衰
去歲饑流待撫循日憂疲瘵苦傷神細民溝壑方
援手別館鶯花任送春舉目山河生壯氣經時臺
榭極芳塵秋來幸有豐年兆還作偷安樂事人

秋夕二首

大暑喪餘酷涼秋祛衆瘴歊氛隨雨斷素景入宵
多鴈影穿池月蛩聲出砌莎披襟予自快楚澤任

卓委公集
卷之四
五
悲歌

此夕何清曠
新秋乍奪炎
涼颼來似舊
熏暑逝如
潛露重翻香
芰雲踈點素
蟾放懷殊不
寐箕斗轉
前簷

秋日出郊

疆野壓雄邊
乘秋行此田
萬峯朝巨嶽
多稼入平
天飽忘饑後
童嬉逼社前
僚賢須共樂
舉白盡
歌筵

中秋月

清商纔過半
皓魄最宜圓
自是秋光好
非緣人意
偏一宵歌吹
地萬里雪霜
天忍見西樓
下嘉期又
隔年

蒙恩加職寄餘杭希文資政

燕石寧參楚璧珍
六膺君獎共言綸

陝西經畧副使環慶秦鳳

帥復官廉察樞密直學士今命

老聃道大誰同傳
千古韓非是罪人

重九次韻答真定李密學

琴瑟煩更化
椒蘭喜望隣
致儀慙蟻耐
申好忝莘

親惜此登高節難偕逐勝賓遙知潭上酌多少插
花人

次韻答致政宮保杜公

無勞遷職此何名只有慙羞敢自榮撫俗未能宣
上意治邊徒欲振天聲丘山莫副推恩重銖兩惟
憂效歿輕高句不須期任舊已求三載奏官成近已

上奏乞
終三年

依前韻再答

不與皇家致太平康寧時節便遺榮寰中自樂喬

彭壽海內空流邴魏聲一品坐來恩固重萬鍾拋
去祿何輕朝廷欲繼姬周盛會向磻谿問老成

送省副崔刑部

此去叅邦計時才固異倫富民知有道言利不違
仁祖帳含情日歸途適意春前期對清問犧閣近
槐宸

雪

六花來應臘望雪一開顏歌舞喧侯第風沙雜戍
關餘芳留艸樹清興入江山後夜高樓月蕭然崑

閨間

髮白有感

區區邊朔有何成三失流年只自驚無一事來頭
尚白白人頭處豈堪行

晚步後園有春色

桃柳如春意陽和對嫩萌風霜誰自困鶯蝶始多
情終入芳菲賞休論早晚榮窮邊何所負轟鼓醉

金觥

北樓望春

良疇芳圃汨飛埃生意顛顛望震雷北嶺有雲空
自繞幾時為雨出山來

寒食

塞上逢寒食郊園此重臨一時行樂意萬室欲春
心節物隨人好風光得處深只思民盡適客鬢忘
霜侵

感事

一來邊障地走馬過二秋萬緒事常擾九分春又
休鴛花誰在目霜雪只侵頭縱得風光住風光可

李憂

上巳北塘席上

修禊春塘上誰知物趣深萬花開喜色衆樂出和
心雨意隨人住杯情逐勝斟從茲窮塞地佳節似
山陰

喜雨

晚雷驅雨協春雩誰識天工用意殊不許繁花私
潤澤獨教嘉穀足膏腴羣心有荅方思報寸艸無
冰亦自蘇始信雲龍施美意豈勞功力費毫銖

北塘春雨

葉葉輕雲帳薄羅坐看膏澤灑庭柯風前芳杏紅
香減煙外垂楊綠意多聲落簷牙飛短瀑點勻池
面起圓波晴來西北凭欄望拂黛遙峯濯萬螺

再謝真定李密學惠牡丹

牡丹京洛艷惠我見新鄰一與樽前賞重生塞上
春衰榮存主意深淺盡天真却似登蘭室清香暗
襲人

新植花開

去歲栽花遍小欄只憂芳艷不禁寒年來醉賞春
風裏無限邊人見牡丹

牡丹二首

真是羣芳主羣芳更孰過艷新知品少開晚得春
多幾日瑤姬夢平生金縷過寒邊今幸活風雨莫
相魔

青帝恩偏壓衆芳獨將奇色寵花王已推天下無
雙艷更占人間第一香欲比世終難類取待開心
始覺真長不教四季呈妖麗造化如何是主張

落花二首

妖艷憑誰主春光去不停離魂亂飛絮生意逐浮
萍錢英偷餘態茵蕪襲舊馨年年芳信在慎勿歎
飄零

一夜殘芳泣露痕曉來紅雨點蘭蓀對人終有風
流在幾片斜飛在酒樽

郡圃初夏

池館何無賴青春幾日回酒隨花榭減心爲水涼
開幽鳥閑鳴和清風自往來峯巒新在目天與白

雲裁

夏暑北塘

一夕輕雲卷怒雷
回塘經雨絕纖埃
蓮房倒盞揮
人飲柳幄牽絲待
席開未必鷗飛知
客意莫嫌蟬
噪是風來歎煩盡
滌宜無累柰有詩
情費剪裁

覽劉易詩集感其遊賞江山放懷自適

區區西北十經春
強力今爲老病身
白髮丹心論
底事清風明月屬
閑人千鈞未免嗤
麤鼠一簣猶
思抑孟津
早晚粗酬忠國志
五湖煙水樂吾真

席上聞蟬

柳際一蟬鳴
停杯忽自驚
所傷非節物
未立是功名
默默悲時事
區區徇世情
不須爭噪急
衰鬢舊
霜莖

次韻和國信趙內翰北口見寄

時得不可失
時乎况得天
蔓圖非易力
鳩毒是安
眠廟勝兩楹
決壺漿一檝
傳臨關休發
詠歸議主
當然

寄題廣信軍四望亭

西北雲高拂女墻危亭虛豁望中長田間堤陌成新險天外江川是舊疆古道入秋漫黍稷遠坡乘
晚下牛羊凭欄多少無言恨不在歸鴻送夕陽

與餘杭希文資政經時兩絕音問忽得訊止
與近致書同日因以詩寄

聞首郵音得到無使來還喜發雙魚却思塞上經
時問恰是吳中當日書人邈江山神自照道存忠
義信從疎昔年元白慈恩事詩意雖同志未如

一志

一志事邊徼難甘景物催流年花易落久戍鴈頻
回細葉未成幄飛蚊還聚雷顛毛從自變肯使壯
心摧

閱古堂八詠

牡丹

極塞將何奉燕娛牡丹池館一株無誰人會我栽
培意欲見吳宮小陣圖

芍藥

從來良守重農桑何事栽花玷此堂已愛昔賢形

藻繪更移嘉卉伴馨香

垂柳

東君於此最多情先與黃金撚畫成何似亞夫堅
壁地因人千古得嘉名

疊石

疊疊雲根漬古苔煙巒隨指在庭堦主人未有銘
功處日視崔嵬激壯懷

藥圃

堂下開畦植藥苗更將靈種悉名標吾心盡欲醫

民病長得憂民病不銷

溝泉

遙派分流過近堦潺潺終日瀉瓊瑰誰知到此幽
閑地多少餘波潤物來

小檜

小檜新移近曲欄養成隆棟亦非難當軒不是憐
蒼翠只要人知耐歲寒

芭蕉

邊俗稀曾識此科南方地暖北寒多孤芳莫念違

天性無柰深恩愛育何

次韻荅承旨王端明

禁扃清切擬仙都多病年年絕塞居四海風雷歸
舊筆二垂霜霰乃吾廬道同今古猶相照事役鱗
鴻不計疎莫謂安恬白留滯是非終有史臣書

七夕同末伏會衆春園

七夕今同末伏辰方塘陶暑集珍羣嬌鶯萬轉風
前曲秀嶺千層水下雲幽鷺倚蒲真入畫香荷擎
酒不須熏天孫莫銜機頭巧倒載歸來豈羨君

初秋塘上

池塘涼意早秋色動邊關酷暑不終暴清風來自
閑畏螳蟬屢起辭幕燕將還盡日當軒卧看雲歸
故山

次韻荅涓帥王龍圖

十年西北保疆垂只恐非才誤委毗報國心誠雖
慷慨背時蹤跡極孤危欲求褒貶明千古直把窮
通托二儀多謝高篇遠相勞召南風格本王基

覽涓帥王龍圖西行詩集

久陟風騷上將壇更持旄鉞撫邊關山川滿目吟
雖苦戈甲藏胸意自閑威望昔嘗流塞外雅歌今
復奏兵間禁中日夜思頗牧四牡看隨仗節還

送劉易歸洛

滿懷經術欲誰傳却憶西歸治洛田富貴苟求誠
損義聖賢難遇亦推天春風始入花王國夜月長
涵宓女川巖谷弓旌如未及且憑詩酒作閑仙

次韻荅侍讀張龍圖索閱古堂詩石本

千年賢迹一堂間日企英風敢自安爭似公陳無

逸義君王圖入殿屏看

閱古堂前植菊二本九月十八日花猶未開
因以小詩嘲之

只趁重陽選菊栽當欄殊不及時開風霜日驟猶
何待甚得迎春見識來

北塘重九

堪嗤唐彥鄙邊疆不信重陽艸未霜樽裡有花荷
萬葉三年酣賞好風光

試獵

試獵秋原亦治戎飄然豪氣滿西風
饑鷹獠犬爭爲用不在人知指縱功

禱雪有感

靈嶽祠宮尚未回六花隨禱下瓊瑰
只憂風力狂無定最喜雲容重不開
但得餘滋周畝畝敢求嬌意助樽罍
夜深猶使家人探平地依稀幾寸來

次韻荅留臺春卿集賢侍郎

聞說西臺遂懇章一何欽聳一何傷
赤松世外誠先覺白首兵間是不祥
得失兩忘祛病術利名相

賊溺人鄉幾時微立疆垂効去伴公閑亦道光

再荅

拙者奔馳智者藏細論朝體豈無傷
蒼生困敝誰更化賢弼優游自考祥
四海唐虞終我事三川風月且吾鄉
軍中不識陽春贈幾按青萍駭夜光

再荅

久拋儒掖禦戎疆每憶青氊只自傷
馬上文章終是俗胸中戈甲亦非祥
哇聲誤入聞韶耳藻袞輕投被毳鄉
賴得高賢時借譽不然幽迹轉無光

後園閑步

池圃足高趣公餘事少關幽禽聲自樂流水意長
閑近竹花終俗過欄草費刪心休誰似我官府有
青山

北塘探春

大鈞將首化微物亦先知草木色皆得禽魚意自
怡和風無不到餘凜欲何為會與斯民樂熙臺興
未遲

觀稼圃北園席上

郊原飛隼拂晴霓秋入豐年自慘悽嘗酒管絃先

社集北人社前一月親賓相會謂之嘗酒捺券禾黍極雲齊雪鋪蒼

麥花漫野黛抹蔓菁菜蒲畦區脫狴牢無一事山

翁羸得醉如泥

燈前遇雪席上

此夕仙花降羯陀萬燈光裡雪花和天心要足良

農望人世常多好事魔雲際未應成霖霖風前疑

欲助婆娑陰晴况是民俱樂無柰嘉賓惜醉何

次韻荅致政杜公小詩見戲

塞上區區罄拙勤回頭芳歲已三旬何須更帶中
山酒日日憂邊似醉人

次韻荅致政杜公以遷職惠詩

滿歲窮邊喜未還飛塵猶擬助高山一年願借雖
慙寇萬里思歸却笑班紫塞風煙長冷淡赤松光
景正安閑何時少奉揮金宴免役勞魂夢寐間

種樹

一守中山四載餘栽成芳樹滿郊衢州民如有甘
棠念惜取清陰萬萬株

壬辰寒食衆春園

寒食郊園此會稀吏民隨意賞芳菲樽前有樂人
還去牆外無花蝶亂飛衆裏鞦韆應是駭岸邊鷗
鳥却忘機黃昏易覺春醪散細雨迎風洒面歸

釋奠廟中作

釋奠修彝禮齋誠致吉燭普天同日記聖道幾人
傳窮厄當時教推崇萬世賢蒙然如可寤朝夕在
拳拳

壬辰重九卽席

中山風物有前緣經賞重陽第五年莫爲素毛悲
晚歲且吹黃菊酌芳筵退求僻郡疑邀寵甘老窮
邊似好權笑問此身何計是不如嘉節倒垂蓮

次韻荅留臺春卿集賢侍郎見寄

十稔遠談燕區區混濁流經時無一信度夕是三
秋友會此難約君恩尚未酬何人伴高興洛棹與
嵩樓

壬辰歲除宮雪

祈雪經冬未應人歲除方喜六花勻鮮蘇民望終
爲臘要入時宜不在春欲使休祥同節賀更教生
物及年新明朝元會非天仗萬玉相輝拜紫宸

賓鴈

候時賓鴈覺秋分便委胡霜遡楚氛一片畫屏橫
遠岫幾行書字帖輕雲信通離濶誠虛語聲到英
雄似不聞莫趁衡陽戀閑暖南兒贈繳正紛紛

韓魏公集卷之五

宋韓琦稚圭著

明康丕揚士遇校

詩

次韻荅致政杜公以加節見寄

西北連憂寄責深十年回首失光陰丹心報國期
輸蓋白日當天荷照臨賜鉞何勞誠覩面扞邊雖
久即甘心孤根只有衰危甚不得終身被傳霖

次韻荅留臺春卿侍郎以加節見寄一首
一落麤官伍噲曹清流甘分絕英髦建牙恩有丘
山重扞塞功無尺寸高許國壯心輕蹈死殄戎豪
氣入橫刀只期名遂扁舟去揮臂江湖擲錦袍
洛下安然塞下勞公持霜簡我持旌憂無虛日三
垂重閑入芳春萬事高病虎厭風摧漢節卧龍慳
雨澁吳刀遙知嘯傲煙霞外肯把仙袍換戰袍

清明獲鹿道中

尺雪征塗已倦行那堪寂寞過清明農居近古鞦韆
野縣堞成虛睥睨平只見靚粧矜節服更無關
地匝春耕山川寓目皆形勝可惜虛屯百萬兵

過井陘淮陰侯廟

破趙降燕漢業成兔亡良犬日圖烹家僮上變安
知實史筆加誣貴有名功蓋一時誠不滅恨埋千
古欲誰明荒祠尚枕陘間道澗水空傳哽咽聲

離天威驛

早發天威驛深春尚薄寒龍蛇盤道路波浪卷峯
巒古木萌常晚新流勢未湍忠臣方叱馭更險不

辭難

過故關

春入并州路群芳夾故關前騶驅弩過別境荷戈
還古戍餘荒堞新耕入亂山時平民自適白首樂
農閑

百井路山桃盛開

漫嶺天桃樹無人亦自開雲霞深隱洞錦繡遠成
堆生意驚樵斧芳情謝宴杯莫迷行客路不似武
陵回

黑砂嶺路

平定軍西

詰曲榆關道終朝險復平後旌緣磴下前騎半天
行舉目自山水勞生徒利名報君殊未效何日及
歸耕

過側石驛

二月春光薄川寒驛路長虎蹲難動石龍矯已剗
桑嶺狹居多險耕勤地少荒山農駭車騎兒女滿
莊牆

出山口

待曉出山口溟濛雨乍晴始知經盡險終得坦然
平草樹開春意川原豁眼明吏民當自信竹馬不
須迎

送門人曾宏祕校登第南歸

十載辭鄉志登科一旦伸青綸歸養客白髮倚門
人家釀難禁蟬江鱸正得尊之官如自立吾館有
賢賓

呂景初殿院被召歸闕

通臣清舉世推公驛召歸馳御史驄不獨危言開
正道更將高節激頽風嚴霜透骨寒威重健鶻盤
空殺氣雄朝選雖精知尚薄濟時才業滿曾中

初伏柳溪

萬柳籠溪借碧漣滌煩高會喜僚賢人間酷暑病
庚伏世外清風有洞天一枕易醒西嶠雨滿筵思
醉北池蓮棠陰訟閔邊烽靜誰信榆關作地仙

重九以疾不能主席因成小詩勸北園諸官
飲

莫賦悲哉學楚騷塞庭秋色一時高霜嚴獵衛鷹

權峻風日弓膠士氣豪對月清吟森玳瑁吹花芳
酌醉葡萄汾波照骨銀河淡曉夕寒光助帳刀

過太原舊城

車書從此九區同雉堞隳雲百載空欲把金湯角
天命却驚禾黍滿秋風雖餘墟落人煙悄不改山
河氣象雄何必壞城心可壞祖宗恩德浸無窮

晉祠

唐叔祠推晉域雄乘春來謁想遺風前庭樹占圭
曾剪近壠禾新穎未同山峻尚存維翰德泉深長

瀉及人功愚民不識邦君重歲歲西神酒食豐

獅子柳 在晉祠

柳出狻猊首天然慶贅高楓溜嗤鬼伏松幹讓龍
豪根聳伸獍爪絲輕被綠毛三眠漢宮樹人狀可
同褒

長生蘋 出山晉祠

奇種定仙草長生晉水蘋採芳曾著詠薦潔可供
神萬卉衰何速三冬色自新大年如欲較吾豈愧
莊椿

過甘泉寺

甘泉穿石磴山腹啓禪扉自笑逃塵境翻來觸靜
機花開松色淡時前檻壯歌咽磬聲微十里薔薇
路香風送馬歸

甲午冬閱

練士當時閱臨高共一觀勢憑朝氣銳令人曉霜
寒事重三軍國形存八陣灘燒烘旗幟動雷吼鼓
聲乾畫守誰能犯循環莫見端赴谿驅稚子飄石
走驚湍彈壓提封靜周旋四野寬機深天地祕知

少古今難寨巧花齊出營新月未圓全師克國慎
堅卧亞夫安鵝鶴行雖卷貔貅伎要殫撒韁馳鐵
騎疊箭取銀盤避槊身藏燈揚塵足掛鞍弩飛三
刃劍砲擲百星丸鏡管喧歸隊肴觴足犒餐父兄
人自衛鳧藻衆胥歡有志銘燕石無勞誤漢壇壯
心徒內激神武正勝殘

賀官師杜公增秩

漢唐二傳推踈白高退當時歎莫如雖有清風傳
舊史不聞優寵及安車直緣賢迹光君輔更約師

模在帝儲何似詔公還廟席萬靈和樂浹堪輿

賀觀文富公遷職

祕殿班崇極邇聯九重思舊及高賢雖知榮寵公
非樂且喜孤忠帝尚憐惠物袴襦聊一境得時霖
雨卽敷天萬方翹首臯夔入待見唐虞致治年

賀春卿加大資政職

別殿深嚴峻寵班再煩開府扼秦關崇郊陰滿修
前治蕙帳香銷在故山天意未容賢者樂官方唯
許老時閑蒼生况結爲霖望豈要窮邊俗吏攀嘗致

書以公康寧不當久遂閑
適有輒欲奉攀之語故云

走筆戲呈機宜著作與諸同席

不草邊書絕塞氛英僚高會喜同群朋間射鵠雖
連中坐上飛觥不五分烈士感時何晚歲男兒行
樂是從軍速揮大白中嚴令多得紅心卽戰勲

上巳柳溪席上次韻答機宜張吉甫判官勸

飲

天意如何未應人蛟龍猶得戢垂鱗民間望極經
時雨塞上寒深幾日春麥脚埋塵難自展柳眉低

水只乾勺西溪不在浮觴樂且慰群心被襍辰

柳溪嘲蓮

清香竒色匝芳洲只得公餘一見休道是好花堪
謔問幾時曾上美人頭

次韻荅永興安撫文公

建牙非稱冢司官正是宸襟注意安即日太平歸
輔翼侍祠重陟岱宗壇

次韻和都運崔諫議寄示立春前一日宿嵐

谷山程

絕色風霜正樹威不知韶律起從微十千酒且迎
春酌五九寒須伴臘歸破屐好山連日上費詩嬌
雪着人飛屬封所過皆蒙惠民吏應如挾纊衣

代書寄大資政春卿侍郎

霄躔將欲正三台促召深思輔翼才只聽燮調光
玉鉉若爲封駁滯銀臺殿帷延納君恩厚經席敷
陳聖慮開命相幾時符衆望遞中看錄白麻來

六月六日雨後過嶽廟遊從封寺觀稼席上
暑雨頻經信宿休近郊方出釋潛憂雖妨麥始三

停獲且見苗知一半收農語神嶽怖民藏電雹老

松憑寺偃蛟虬佳遊况遇從豐識好飾千倉待有

秋

自和

郭泥何惜出郊遊始霽才寬望歲憂鬱若山光疑
是畫飄然詩思盡難收隈林杏頰紅初抹拂砌莎
髯綠自虬禾黍坐看雲四合有年將乞載春秋

待制崔嶧給事移守圃田

使臺疑績大河東榮圃更臨輔鎮雄鸞省要資雖

錫命犧圖清職未推公滿天秋色增詩骨一路歡
謔入歲豐會取朝家精選意陪京今是漢扶風

菊觴

九日陪嘉客金英泛酒船撥醅時上下浮蟻自周
旋香逐榴花發甘嗤栢葉先坐中宜醉挹仙錄載

延年

北園秋雨

輕雨來秋晚郊園對客樽暫和春氣味將冷雪胚
渾聲入關榆苦陰纏塞嶺昏黃花應自笑搖落獨

承恩

病中喜雪

天地久閉塞氣和方一開花從無象出澤蘊太虛
來慶可萬區浹豐宜百瑞魁病襟雖稍釋歡意阻
賓壘

屬疾

一紀三垂慮中疲病早侵人生何苦甚世事愈思
深冬漏長難過霜風峭不禁幾時拋組綬芝朮老
雲林

次韻荅運使楊旼舍人

輶車勤按問并部此先行糴重傷農業年豐報力
耕幾時蘇俗困異日復民兵公策方經遠提封可
坐清

至和乙未元日立春

元日難逢是立春普天誰不喜佳辰一年氣候均
諸節萬卉芳菲實九旬栢葉始傾爲壽酒土牛隨
示力耕人故陰盡革無餘臘端朔陽來慶共新

元夕

萬家燈火徹重闈通夕熙然本順民誰道昇平無
可狀請觀豐稔及茲辰月隨遊騎何曾動蓮嫁春
風不是真半病使君心未伏欲驅歌吹逐香塵

春寒

春寒着人骨病軀殊未堪鴈慵難翅北花怯不開
南詩筆少新與戰觥思舊酣邊垂何事樂寂寞月
將三

後園春日

并塞園林古春來似不知雨輕成凍易樹老發花

遲劇事隨年倦歡悰入病衰芳時期強賞宴鼓揭
天槌

乙未寒食西溪

三月鞦韆節西郊菡萏州塞寒春尚淺俗樂政同
優賞愜杯忘筭歌妍餌失鈎黃昏垂柳岸人意共
遲留

上巳西溪同日清明

拍堤春水展輕紗元巳清明景共嘉人樂一時開
楔飲節隨上日發桐花紅芳過雨粧新拂綠柳含

風帶盡斜欲繼永和書盛事愧無神筆走龍蛇

水嬉

巧匠矜能作水嬉偶形千狀擬真爲機關自謂無
知者手足其如有見時釣叟投竿魚自出舞姬揮
晉陽封守遠睢陽空有馳魂若侍傍處世少容雖
鑿衲與公相協自宮商冥鴻愈適知難慕疲駕將
顛失預量新句暗投頻駭目少陵光焰極輝煌

謝宮師杜公寄示詩編

百諷新篇百忘勞直將淵旨質風騷閑觀景物辭
終巧意到安恬格自高三代正聲傳雅樂千年嘉
味入蟠桃誰如八十歸休相字體詩情日日豪

次韻謝官師杜公惠詩慶富公爲代

彥國賢推不世奇兩諧交政辱公詩如褒事契誠
多幸欲並才名敢固辭踈傳退來光漢史周公歸
已靜淮夷彥國今已入相須知病守榮非淺日對鄉枌擁
郡麾

寺底遇大雨寄呈二運使

怒雷傾雨灑無垠天意須臾復至仁比屋士民平
歎息一川禾黍長精神徹犁農喜通新種徧問村民皆云
兩徹隔轍人誰謂不均大利豈當論小害路泥深

尺沒征輪

早行

冒暑行宜早修途不困人遠風清宿睡微露濕低
塵好月看無盡高吟意益新未鷄知漸曉天角下
星辰

褫亭道中農居

山脚林成簇舍窠門前流水養嘉禾森森松栢圍
先隴戢戢牛羊滿近坡官賦已供餘歲備村歌無
節得天和安安全盡責廉平吏三歲齊民更孰過

山行

山路何曾倦官程幸不賒片雲無定雨香草逐時
花暑序秋天氣農居古室家鄉關勤一望峯翠列
高牙

過微子嶺

崎嶇微子道行路始知難峻嶺萬千疊紆途百十
盤地磽民力薄天旱穀苗乾未寤蒼蒼意平川雨
澤寬白入潞境皆已
雨足獨此未洽

過吳兒谷

曉入吳兒谷危途信不虛千峯疑絕路一逕俯容
車山鳥過雲語田夫半嶺鋤時平盡周道天險欲
何如

過涉縣熊耳山

我從團栢歷山岐秀絕唯於熊耳知芳草經年被
重席輕雲無日展時旗羊頭有黍名終俗壺口稱
關類亦卑何似半天留鶴馭此來憑軾與仙期

至昭德

出却千山與萬山坦途由此達鄉關邊垂未減宵

衣念閭里徒矜晝錦還憂國敢忘經日慮治身能
得幾時閑遙知上冢光榮處只在州城一舍間

拜墳

欲知爲郡寵晝錦入家村自古拜松檟幾人如子
孫麾幢新俗觀牛酒飫鄉尊儒者榮斯甚將何報
國恩

喜雨

垂稔良田雨信愆三農憂死只呼天應時滂洽真
無價數日淹遲誤有年立解焦枯非甚力不知神

化此誰權何妨四序均膏澤長使生靈得自然

觀稼二首

尺雨滂然滌旱灾行田因得過家來催成禾黍拖
泥秀長就枌榆揭凍裁三組不矜聊問俗一廛雖
陋且容杯郊原躍馬都忘病隨目山川氣象開
一夕其滋起瘁田陟回災沴作豐年便晴惟恐禾
生耳將熟偏宜穀捺卷雲退不留驅旱迹氣清渾
露已秋天衰翁豈獨同民樂更覺詩豪似有權

觀稼回

雨過觀田出近垆敞廬還喜及柴荆雲平多稼徹
天盡黛拂遠山隨馬行寂寞秋風催晚角徘徊先
隴柰重城鄉人莫羨前驅弩吾意何如負郭耕

早赴墳莊

疊疊山依皴曉霞羲輪騰海露天涯一川圖畫秋
方靜萬積去京坻穀盡槎舊鄴餘風含古意太行
高景落詩家訟庭經日如僧舍又到村居倚將牙
再出行田

豐歲觀農穫先疇路不遐子多宜晚穀生拗就新
麻蕎麥方成齷蔓菁未入極鄉民愚自詫太守是
吾家

送張吉甫寺丞歸洛

洛中平日是吾家時節芳菲正可誇權去獨思來
衛幕春歸誰約醉桃花晴飛縣鳥瞻仙翼暖擷臯
蘭薦潔牙更想緱笙聞夜月翩然高意薄青霞

賀春卿宣徽出師延安

延塞何須輟鉅公西師今復久橐弓三台班秩名
雖重四海生靈澤未豐莫泥兵韜求策勝更充賢

業俟時通歸來談笑巖廊上致主唐虞始是功

重陽甲子雨霽

猛收宵雨發秋光甲子朝來甚不傷天意欲教成
九穀人心兼遂樂重陽山開霽碧迎軒秀菊染新
黃助酒香氣與民和自無沴豈須從俗佩萸囊

登抱螺臺

壞圃蕭疎有廢臺登高留客此徘徊幾年埋沒荒
榛蒲今日崔嵬宴席開一境山川俱入眼重陽風
物盡宜杯坐中不勸猶當醉菊蘂浮香似撥醅

次韻荅滑守梅龍圖重陽惠酒二闕

芳醇盈榼副風騷慰我漳濱病擁旄把菊不同陶
令喜白衣人只送香醪

滑醪清滿菊花卮只欠新螯左手持

今歲並邊雨多
懈市未至

欲報善隣將意厚苦慙家釀帶春醅

次韻荅滑州梅龍圖惠鼎州甘橘

芳訊欣隨客鯉開雅篇并付木奴來病翁逢酒唯
憂過更使湘包下滑杯

寒食會康樂園

欲識芳園立意新
康辰聊以樂吾民
天收寒食時
來雨人得常年數
倍春密密樓臺花
外好虫虫歌
舞醉中真朝來必
要昇平象請繪輕
綃獻紫宸
次韻荅滑州梅龍圖以詩酒見寄二首

對敵公如論酒兵
病夫雖劣敢先登
如將壓境求
詩戰卽豎降旗示
不勝
東郡何能抑上才
召書看卽日邊來
名醪價重詩
篇好賸泛西園感
遇杯

公近奏感遇
十篇故云

拜西墳

樓角聲喧促曉更
致虔瑩域出西坳
春山帶雨和
雲重麥隴如梳破
雪青鄉樹溟濛天
水墨村農淳
野古哇丁陰迷俄
景催歸馭暫向東
風俗眼醒

次韻酬滑州梅龍圖惠詩

自昔能詩者如公
敏思稀清風當世
聳大雅一時
歸京輔方期治天
顏此暫違召棠隨
有愛庖刃不
勞揮吟筆閑邀戰
隣邦動怯圍疲神
支敗北對景
失芳菲無物酬明
月何心銜晝衣驚
絃常跼跼突
陣正駢駢溪柳柔
金幄園花爛錦帟

公新葺溪園
爲近輔之勝

嬉遊成樂國佳氣俯端闈郢曲高難和荆棲近莫

依流年傷阻闊好夢接容輝不信降旗豎

前答公詩已有

請豎降旗之句

猶勝走檄威可慙貂莫續安敵虎而飛窘

感圖更郡奔逃始見機吾鄉雖甚美無計戀柴扉

次韻和滑州梅龍圖寒食溪園

溪園高致此非遐請爲公陳衆所誇一境熙臺躋

舊俗萬民和氣入新花流芳只有人思召行樂何

須坐有車不獨清明資勝會四時風月愜詩家

次韻答磁州王復都官

本邦爲守獲隣封民政雖殊道則同浹境歡然君

有惠一鄉榮甚我何功漸濡美化規模近珍重高

篇氣格雄德薄可能勝尹誦穆如空自愧清風

上巳會城北新磴

誰言智者不兼仁請看新渠激磴輪本爲酒材寬

物力更饒春月樂鄉民陰晴天色將寒食狂醉人

心卽蜡賓父老他年傳故事可忘修禊起茲辰

畫錦堂賞新牡丹

欲集珍叢稱此堂春來栽檻首花王連砧不動開

猶少對酒多情格自強
白晝已凌鄉錦色清陰宜
接訟棠芳娛賓一奉笙歌賞
從此香名歲月長

暮春康樂園

榆莢紛紛擲亂錢
柳花相撲滾新綿
一年寂寞頻來地
三月芳菲已過天
樹密只喧閑鳥雀
臺高猶得好山川
病夫不飲時如此
徒有詩情益自然

庚申相臺閔稼

淫雨農疇害復收
彼何恩厚此何仇
高田穀穗拖牛尾
卑地莊窠沒獸頭
稔社徹宵喧鼓樂
災居無

日苦飢流如云禍福關爲政安得豐
凶在一州

苦雨

直疑天際裂銀潢
大雨連傾特異常
數里河聲轟陣鼓
萬條簷溜卓戎槍
雷霆勢惡掀人腦
蛟龍朋凶碎客航
正熟民田多沒穗
幾時仁惻動蒼蒼

次韻酬滑州梅龍圖惠酒

久雨無書致睦隣
坦途非邈盡長津
正憂吾里民災甚
敢覬公齋酒味醇
得騁蛟龍方倚浪
未鋤稂莠已齊身
太陽幾日披雲見
多少如葵仰望人

冬至前一日雪

地下陽將復人間氣已和羣陰明數極六出見音現
花多賀稱新年曲歡侔故郢歌同雲留紀吉柔荔
借萌科起認灰飛管堆疑素出波朝盈振鷺集隙
隘白駒過樹密輕黏萼天圓細撼羅潔非容物污
碎不在風槎農畝經年瑞詩家萬古魔平明開慶
會綠蟻薦紅螺

臘日出獵二首

笳鼓擁貔貅韓陵山下頭人心忘代嶽鷹眼快離

婁兔逸茲窮虜狐殲卽貴酋鄉民誰會我衣錦樂
畋遊

習平禮樂存形器要閱兵須有殺生故備姦戎侔
斬伐唯於畋獵可申明妖狐膽裂逃終戮老鶻拳
高下必精大獲未能矜小得幾何人不哂吾行

元日雪

人正開統發新陽盈尺稀逢雪載滂不必宮聲符
善歲却應和氣得嘉祥同雲幾刻藏春色利澤經
時洽衆芳遙想九天排曉仗六花吹入萬年觴

新歲拜墳二首

先隴比如何新年重一過風迎人意好春入鳥聲
和吠吠因時勸松楸趁暖科公餘私遂及吾幸比
爲多

新歲齋前寂訟鈴不妨諏日展先塋遙知隴樹春
方到一見家山眼又明孝弟少期爲俗勸里閭烏
足語五岳此行猶苦圭符累名遂歸來更盡誠

寄并帥龐公古瓦硯

鄴瓦搜來頗異常寄誠安足奉文房早陪神化丹

青筆莫滯邊書赤白囊

次韻荅并帥龐公謝寄古硯

誰傳石末首青州鄴硯今推第一流更好豈堪濡
化筆報瓊終念木瓜投

寄題滑州梅龍圖西溪園

陪京高選得名卿勤葺公園匪自寧政舉輔藩無
一事意尊王室有三亭看花篇什煩官課對酒笙
歌易訟鈴他日吏民銘惠愛定隨碑刻載圖經

寄題滑州梅龍圖西溪

四時風物隱天真咫尺城隅惜示人幾歲壞堤埋
老大一朝春色與吾民壺中有景知誠少堂下無
喧到始頻我亦治園同衆樂夾河相望稱爲隣

治後圃以康樂名之取
時康而與民同此樂也

相亦

